

27.

13

DE  
CICVTA  
ATHENIENSIVM  
POENA PVBLICA  
INDVLTV  
AMPLISSIMI PHILOSOPHORVM ORDINIS  
IN  
ACADEMIA PATRIA  
PRAESIDE  
M. SIGISMVND O FRIDERICO  
DRESIGIO

A. D. XXXI. IVLII A. O. R. clō Idcc XXXIII.

DISSERT  
ADRIANVS DEODATVS STEGERVS  
LIPS.

---

LIPSIAE  
LITERIS IO. CHRISTIANI LANGENHEMII.

8. 75

THE  
MILITARY  
LIBRARY

OF THE  
ARMY

OF THE  
UNITED STATES

OF THE  
ARMY

OF THE  
ARMY



## Q. D. B. V.

### §. I.

**P**Raemia uirtutis uitiorumque poenas in rebus publicis plurimum semper ualuisse multumque profuisse, cum multi, quos tulit antiquitas, scriptores uerbis sapientissimis praeceperunt, tum in primis SOLON, sapiens unus ex septem, et legum scriptor solus ex septem, cognouisse, et omnibus commendasse ciuitatibus etiam atque etiam uidetur, quando, ut refert CICERO *Epist. XV. ad Brutum, rempublicam duabus rebus contineri dixit, praemio et poena.* Atque hanc sui legislatoris sapientissimi sententiam suo exemplo sanie excellentissimo confirmauit res, quoad floruit stetitque, Atheniensium publica. quae quemadmodum uariis praemiis uirtuti eiusque studiosis publice propositis, uirtutem ipsam studiumque illius feliciter ingenerauit quasi animis suorum ciuium, sic multa quoque habuit poenarum genera in eos sancita, qui, eiurata uirtute, sceleribus uariis emancipati uitiiis se contaminarant. Perlustranti uero scriptores, qui Antiquitates Graecas et nominatim Atticas, scriptis suis doctissimis post renatas in Europa litteras illustrarunt, mirum saepe numero mihi uisum

est, qui factum sit, ut, quum reliquas poenarum species Athenis olim usitatas satis accurate commemorauerint, cicuta tamen potionem inter publica supplicia suo iure referendam plerumque sicco, quod aiunt, pede transferint, neu mentionem illius fecerint ullam. Equidem id nolim ignorantiae Virorum in hoc genere uersatissimorum tribui, quippe quos non facile quicquam in uniuersa antiquitate fugit. At quum cicutae haustum in publicis poenis Atheniensium uel omiserint penitus, uel obiter tantum indicauerint, malim id studio breuitatis interdum paene nimio adscribi, quo ducti satis habuerunt de uariis necandi homines modis iisque publicis per uenena, generatim annotasse hoc genus supplicii Φάρμακον dictum fuisse. Neque profecto dubium est ullum, quia Φάρμακον omnia illa supplicia apud ueteres saepissime significauerit, quae uenenis sunt peracta, docente id IULIO POLLUCE *Onomast. Lib. V. segm. 132. p. 547.* Nos, omissis reliquis, de cicuta, publica Atheniensium poena, quam ex uetustatis ruderibus, Deo bene iuuante, eruere animus est, id paucis docere nostri putamus officii esse. Quod quidem cum ex aliis bene multis ueterum testimoniis ipsa luce clarius est, tum ex eo praeter cetera elucet, quod PLATO cum primis et XENOPHON, suo quisque loco inferius adducendus, saepissime adhibent de cicutae supplicio nomen Φάρμακον, ubi alii auctores posuerunt κώνειον. Accedunt HESYCHIUS et POLLEUX, Grammaticorum ueterum facile principes. quorum ille in Lexico, omnis eruditionis thesauro amplissimo κώνειον interpretatur δηλητήριον, ἡτοι θανάσιμον, hic uero loco iam adducto, coniungit Φάρμακον, ὀλέθριον, δηλητήριον, θανάσιμον, et paucis interiectis huc quoque refert κώνειον. Hinc Φάρμακον et κώνειον unum idemque sonant apud LIBANIVM *Declam. VIII. p. 340. D.* Φάρμακον αἰτῶ, κώνειον ζητῶ, τελευτῆς ἐρεῶ.

## §. II.

Cicuta quae Latinis dici consueuit, a Graecis appellatur κώνειον. cuius nominis uaria et scriptura reperitur et deri-

deriuatio. Triticissima quidem et reliquis fortasse quoque praeferenda est eius scriptura, quando ea, qua iam nunc exhibuimus, elementorum ratione legitur. Interim tamen non κώνειον solum, sed et κώνιον scriptum fuisse constat. Vtrumque certe in codicibus MSC. IULII POLLVCIS, quemadmodum Viri doctissimi annotarunt, inuenitur et illud quidem *Lib. V. segm. 132. p. 547.* hoc uero *Lib. VII. segm. 71. p. 897.* Quid? quod etiam κώνιον scriptum fuit, teste SVIDA *Tom. II. p. 345.* ubi uid. LVD. KVSTERVS. Nec minus deriuatio nominis κωνεῖς diuersa traditur, eaque triplex. nam uel a καίνειν, quod est *interficere*, uel a κοίμημα, uel denique a κωνᾶν, h. e. a circumuertendo, quod uertiginem et imagines rerum earum, quae adspiciuntur, quasi circumagat ac tenebras inducat iis, qui eam biberunt. Ita de origine huius nominis ETYMOLOGICVM M. P. 551. *uers. 13.* Κώνειον δὲ αὐτὸ καλεῖται διὰ τὸν γινόμενον εἰλιγμὸν καὶ σκότον τοῖς πίνεσι. τὸ γὰρ ζεῖν καὶ κωνῆσαι ἔλεγον οἱ παλαιοί. ἢ παρὰ τὸ καίνειν καὶ κόπτειν, ἢ παρὰ τὸ κοίμημα. Ego uero causam uideo nullam, quare illa deriuatio non sit praeferenda reliquis, quae hoc nomen deducit a κωνᾶν. ea enim et rei conuenit ipsi apprime, et a GALENO iam est comprobata, qui *libro, quod mores animi temperamenta corporis sequantur cap. 3. p. 447. D. edit. Parisienf.* Καὶ μὲν τοι καὶ διὰ τὴν μαρίαν αὐτὴν ἐργάζεται κώνειον ποθὲν, ὃ καὶ τέτομα ἐνδεν παρῶντων ἀπὸ τῆ πάθες, ὃ πάσχον ὁρῶ ὑπ' αὐτῆ τὸ σῶμα. Praeterea id quoque obseruandum duco, Graecos hoc nomen non in neutro genere tantum, uerum etiam in feminino extulisse, quod discimus ex HESYCHIO, qui κωνεῖαν exponit νάρθηκα καὶ πῶας εἶδες, et cui paullo post etiam κώνειον est βεταῖνη νάρθηξ. Quemadmodum autem Graeci Latinis uocabulorum copia praestant longissime, sic et κώνειον uariis fuit nominibus apud eosdem indicatum. Sic teste SCHOLIASTE *ad Nicandri Alexipharmaca p. 59. edit. Paris.* ab aliis κρεκῆανον, ab aliis κορίανον, ab aliis denique ἀνησοειδὲς uocatum fuit. quod ultimum iterum confirmat HESYCHIUS, qui ἀνησοειδὲς explicat κώνειον, et eodem auctore, κώνειον quoque appellatum fuit ἐφήμερον.

## §. III.

Cum rarissimae sunt illae uoces, quae unam semper eandemque retineant notionem, nec a natua sua significatione unquam recedant, tum nemo, opinor, facile mirabitur, nomen *cicuta* in Latio diuersam uariamque uim quondam obtinuisse. Duplicem autem in primis significatum huic uerbo a Latinis assignatum fuisse uel ex Lexicorum uoluminibus apparet. Nam prima ac propria eius significatio est, qua herbam uenenosam notat, quam ita describit PLINIVS *H.N. Lib. XXV. c. 13*, *Cicuta semen habet noxium, caulis autem et uiridis estur a plerisque et in patinis, leuis hic et geniculatus, ut calami nigricans, altior saepe binis cubitis, in cacuminibus ramosus. folia coriandri tenuiora graui odoratu, semen aniso crassius, radix concaua*. addi, si placet, etiam possunt, quod ad descriptionem cicutae herbae attinet, THEOPHRASTVS *Histor. Plant. Lib. IX. c. 17*. et DIOSCORIDES *Lib. III. c. 79*. Altera, quae huic nomini a priscis subiicitur, uis est, qua sonat instrumentum musicum. LVCRETIVS *Lib. V. uers. 1283. seq.*

*Et Zephyri caua per calamorum sibila primum  
Agrestes docuere cauas inflare cicutas.*

VIRGILIUS *Eclog. V, uers. 85.*

*Hac te nos fragili donabimus ante cicuta*  
uid. FORTVNIVS LICETVS *in antiquis schematibus gemmarum annuralium* p. 414. seqq. His duabus uocis *cicutae* apud Latinos notionibus tertiam nobis addere licebit. quae tametsi ad primam illam proxime accedit, non tamen plane cum ea conuenire uidetur. Ea uero est, quando nomen *cicuta* ipsam denotat cicutae potionem apud antiquos, maxime Athenienses, usitatam. Atque hoc quidem sensu legitur a quod SENECAM *Epistol. XIII, Cicuta magnum Socratem fecit*. Nos igitur quum de *cicuta* agere publica Atheniensium poena instituiamus, neminem per se non intellecturum esse existimamus, nomen *cicutae* eo a nobis significato accipi, quo notat cicutae potionem, tertio loco commemorato. Quoniam uero haec notio sine propria illa ac prima  
istius

istius uocis significatione stare non potest, utraque hic in censum ueniat, oportet. Ipsa cicutae potio uariis modis ab auctoribus Latinis efferri solet. nam modo uocatur *calix uenenatus*, ut apud SENECAM *Epistol. LXVIII. potio publice mixta* apud eundem *de prouidentia cap. 3.* modo dicitur *herbae pestilentis succus noxius*, sicut in APVLEIO *Metamorph. Lib. X. p. m. 192. ueneni potio*, auctore VALERIO MAXIMO *Lib. III. c. 2. extern. num. 6. et sorbitio cicutae*, ut habet PERSIVS *Satyr. III, 2.* Graeci de hoc genere usurpare soliti fuerunt *καύρεον. πικρὸν*, uid. ARISTOPHANES *Ranis uers. 183.* et LVCIANVS *Fugitiu. p. 596.* uocaruntque hanc poenam *τὴν τῷ καύρεῖ πῶσιν*, quemadmodum est in DIODORO SICVLO *Lib. XVIII, p. 663, D.* AELIANO quoque dicitur *Φιλοτοξία Histor. Var. Lib. XII. c. 40.* ut ne commemorem, saepissime hac in parte usurpatum esse nomen *Φάρμακον.*

## §. III.

Cicutam eiusque potionem apud Athenienses publicum fuisse supplicium, quo capitis damnati plectebantur, manifestum est non solum ex PLINIO *H. N. Lib. XXV. c. 13, Cicuta quoque uenenum, publica Atheniensium poena inuisa*, uerum etiam ex TACITO, qui *Annal. Lib. XV. c. 64.* illam uocat *uenenum, quo damnati publico Atheniensium iudicio extinguebantur.* add. LIBANIUS *Declam. IX. p. 358. C. et Declam. XXIX. p. 679.* Quando uero hoc genus supplicii et a quo apud Athenienses omnium primo institutum sit, equidem pro explorato non habeo, propterea quod me non memini id disertis uerbis in ullo auctore legere. Quod si tamen ex iis, quibus haec poena publice inflicta est, tempus ipsum, quo haec feralis cicutae potio in usu esse coeperit, quodam modo colligere liceat, me non plane a uero aberraturum spero, ubi dixero, triginta tyrannis Athenas seruitute oppressas tenentibus hunc homines interficiendi morem inuentum esse. Nam cum primum Athenis reipublicae administratio mutata fuit, et a Lyfandro Spartano XXX. uiri ad uniuersa urbis negotia gerenda instituti, horum tyrannorum crudelitas ciues Atticos uariis suppliciorum

ciorum modis diuexauit. Siquidem eo ipso, quo hi XXX. tyranni imperare Atheniensibus coeperunt, anno, qui fuit Olympiados XCIII. primus, uid. DIODORVS SICVLVS *Lib. XIII. p. 396. B.* et XENOPHON *Histor. Graec. Lib. II. p. 46*, Theramenes iussu horum tyrannorum cicutae haustu periit. Et quamuis illorum imperium triennio uix longius fuisse uideatur, restituta patriae a Thrasybulo libertate anno eiusdem Olympiadis ultimo, tamen sub eorundem tyrannide praeter Theramenem eodem mortis genere interiit Polemarchus, de quo paullo post agemus pluribus. Certe tyrannis usitatum fuisse, sibi suaeque dominationi inuisos e medio cicuta tollere, constat etiam exemplo Clearchi Heraclotarum tyranni, quem teste ATHENAEO *Deipnosoph. Lib. III. c. 7. p. 85. A.* THEOPOMPVS *libro XXXVIII. historiae suae* memorat non solum per uim multos palam necasse, uerum etiam plurimos potu cicutae per insidias e medio sustulisse. Idem etiam sua tyrannide comprobare uidetur Olympias Alexandri M. mater, quae referente DIODORO SICULO *Lib. XIX. p. 676. C.* Eurydicæ carceri inclusæ ἐπέπεμψε ξίφος καὶ βρόχον καὶ κώνειον, καὶ συντέταξε τέτων, ὃ βέλοιο καὶ ταχέσταται πρὸς τὸν θάνατον. quam rem quoque memoriae tradidit AELIANVS *V. H. XIII, 36. p. 406.* edit. Gronou. Denique aut omnis fallor, aut LYSTIAS clarissime docet, cicutae potionem publicam a tyrannis his XXX. institutam esse. Sic enim ille *Oratione XI*, quae est *contra Eratosthenem*, ex his XXX. unum, *cap. 5. p. 150*, Πολεμάεωρ δὲ παρήγγειλαν οἱ τριάκοντα τὸ ὑπ' ἐκείνων εἰδισμένον παράγγελμα, πίνειν κώνειον. Nam cum apud ueteres non inueniatur, quis ante hos XXX. tyrannos Athenis hoc supplicio in ciues saeuierit, quisue Theramene prior cicuta publica interfectus sit, tum in Lysiae loco allato uerba, εἰδισμένον παράγγελμα, non solum consuetudinem frequentemque usum cicutae, publicae poenae, sed et ipsam originem huius supplicii a tyrannis istis repetendam indicare nobisque aperire uidentur.

## §. V.

Quam igitur certum sit, cicutae potionem, publicae poe-



poenae speciem apud Athenienses quondam fuisse, tradita illius, quoad eius fieri potuit, origine, nunc iure nobis uide-  
mur inuestigare, in quos homines et in quae crimina hoc  
supplicio animaduersum fuerit. Id uero meliori ratione  
fieri uix posse intelligimus, quam si exempla eorum, qui  
hanc poenam sustinuerunt, consideraerimus, ex iisdem rem  
ipsam illustraturi. Itaque primus, quod scimus, cicuta,  
publica poena, Athenis occisus est Theramenes, qui magi-  
stro Socrate in philosophiae praeceptis non mediocriter im-  
butus, auctore DIODORO SICVL. *Lib. XIII. p. 397. C.* et  
teste THVCYDIDE *Lib. VIII. c. 68.* nec infacundus nec im-  
prudens uir fuit. Populari ipsum imperio fauisse ex eo  
colligit DIODORVS *Lib. XIII. p. 350. A.* quod eodem au-  
ctore ac suasore Athenienses abrogato CCCC. imperio sta-  
tum reipublicae ad ciuium arbitrium reuocauerint, et Alci-  
biadem reuocandi consilium ceperint. unde factum sit, ut  
propter moderationem et aequitatem populo perspectam  
cunctis suffragiis inter XXX. principes legeretur ad auari-  
tiam reliquorum in hoc ordine nonnihil coercendam. uid.  
DIOD. SICVL. *Lib. XIII. p. 396. D.* Contra ea THVCYDI-  
DES *Lib. VIII. c. 89.* eum scribit inter eos, qui popularem  
statum euerterunt, primum fuisse. Quae tamen omnia, li-  
cet sibi contraria uideantur esse, facili negotio con-  
ciliari possunt auctoritate LYSIAE, qui de hoc Theramene  
*Orat. XI. p. 170. seq.* refert, eum tamdiu oligarchiae fauisse,  
quamdiu in honore habitus fuisset. ubi uero uidisset alios  
sibi praeferrari, ad populi partes transiisse, et paucorum do-  
minatui restitisse. Vnde PLVTARCHVS *Nicia p. 524. A.*  
eum numerat inter optimos tres illos ciues, qui patria erga  
populum beneuolentia et amore fuerunt. Et sane negari  
nequit, hoc populi studium, et hanc cum tyrannis ceteris  
coniunctionem exitio fuisse Therameni. Nam quum collegis  
suis, qui ditissimos quosque comprehensos capitis damna-  
bant, eorumque bona publicabant, aduersaretur fortiter et  
se uindictam libertatis fore minitaretur, Critias, tyranno-  
rum princeps, eum in senatu a XXX. uiris conuocato mul-

tis criminibus oneravit. In primis uero ipsum *διεβαλλον αἰς λημαινόμενον τὴν πολιτείαν*, ut auctor est XENOPHON *Histor. Graec. Lib. II. p. 464. C.* addatur DIODORVS *d. l. p. 397. B.* Et tamen ea, quae ipsi obiciebantur, crimina ita diluerat Theramenes, ut totius Senatus beneuolentiam sibi comparasset, a Critia tamen eiusque factione per uim oppressus et Vndecim uiris, ut interficeretur, traditus est, quem admodum haec copiosius narrat XENOPHON *d. l. p. 470. A.* qui quum per forum duceretur in carcerem, non multitudo solum indignam ipsius sortem miserata est, sed et Socrates, praeceptor, duoque familiares accurrerunt, et lictores prohibere conati fuerunt, ipsius Theramenis precibus ab incepto auocati. uid. DIODORVS *d. l. p. 397. C.* Quo autem supplicii genere obierit, licet nec DIODORVS *d. l.* nec IVSTINVS *Lib. V. c. 9. n. 2.* disertis uerbis exposuerint, testantur tamen alii bene multi cicuta eundem iussu tyrannorum uitam cum morte commutasse. Relatum sane legimus apud XENOPHONTEM *d. l. p. 470. C.* eum *ἀποθνήσκων ἀναγκαζόμενον τὸ κῶενον πιεῖν*, accedit AELIANVS V. H. XI. 21. quo teste *ὕπὸ τῶν τριέκοντα ἀνθρώπων πιεῖν κῶενον καὶ ἀναγκαζομένους*. Ex Latinis euolui hac dere potest Romanorum disertissimus CICERO *Tusculan. I, 40.* Quanta constantia, quantaque animi praesentia mortem oppetierit uiolentam Theramenes, eo abunde cognoscitur, quod ipsam cicutam Critiae, aduersariorum principi, propinauit, et id, quod reliquum in poculo uenenato fuerat, sic in terram iocabundus eiecit, ut resonaret. Rem praeter alios ita narrat VALERIVS MAXIMVS III, 3, *exter. 6.* *Nec Theramenes quidem Atheniensis in publica custodia mori coacti parua mentis constantia, in qua triginta tyrannorum iussu porrectam ueneni potionem non dubitanter hausit, quodque ex ea superfuerat, iocabundus illis humo clarum edere sonum coegit, renidensque seruo publico, qui eam tradiderat, Critiae, inquit, propino. uide igitur, ut hoc poculum ad eum continuo perferas.* De sapientia eiusdem testis est quodam modo historia, quam litteris ad

ad posteritatem transmissit PLVTARCHVS in consolatione ad Apollonium Tom. II. Opp. p. 105. Β. Θεραμένης δὲ ὁ γενόμενος Ἀθήνησι τῶν τριάκοντα τυράννων, συμπεσέσης τῆς οἰκίας, ἐν ἣ μετὰ πλείονων ἐδείκνει, μόνος σωθεὶς, καὶ πρὸς πάντων ἐνδαιμονιζόμενος, ἀναφωνήσας μεγάλη τῇ Φωνῇ, ᾧ τύχῃ, εἶπεν, εἰς τίνα με καίρῳ ἄρα φυλάττεται;

## §. VI.

Alter, quem sub XXX. tyrannis cicutae potio uita priuauit, fuit Polemarchus, Lysiae oratoris frater, quem ut Therameni proxime iungeremus, temporis ratione nos maxime adductos esse profitemur. Quamuis autem uero uideatur quam simillimum, multo plures his duobus inter eos, quos hi tyranni auaritiae studio ducti propter facultatum amplitudinem interfici iusserunt, cicuta necatos fuisse, tamen, quum id de aliis nondum expresse traditum ab antiquis annotauerim, tamdiu mihi in hoc, quem obseruauim, numero acquiescere licebit, quoad plures proferantur ab his XXX. uiris publice hoc poculo uenenato peremti. Hunc Polemarchum, de quo sermo est, Lysiae fratrem fuisse, clarissimis uerbis legitur apud SVIDAM Tom. III. p. 138. Πολέμαρχος ἐστὶ καὶ κύριον ὄνομα, ὃ τῷ Λυσίῃ ἀδελφός. et sub his XXX. tyrannis interiisse ex PLVTARCHO constat, qui Lysiam memoriae mandauit tunc temporis fratrem suum amisisse, in uita eius, quae est inter decem oratores Graecos tertia. add. PHOTIVS Biblioth. p. 1463. Comprehensus ille est ab Eratosthene, tyrannorum uno, et in carcerem abductus, ubi iussus uel coactus potius est ab his XXX. indicta causa cicutam bibere. Iuuabit hac de re audire ipsum fratrem LYSIAM, qui in Oratione XI. quae est contra ERATOSTHE- NEM, c. 5. p. 150. Αφικόμενος δὲ εἰς Ἀρχένεω τῷ ναυκλήρῃ, ἐκείνον πέμπω εἰς ἄστυ πεισόμενον περὶ τῷ ἀδελφῷ ἦκων. δὲ εἶπεν, ὅτι Ερατοσθένης αὐτὸν ἐν τῇ οἴᾳ λαβὼν εἰς τὸ δεσματήριον ἀπαγάγει. καὶ ἐγὼ τοιαῦτα πεπυσμένος τῆς ἐπιείκους νεκρὸς διέπλευσα Μεγαράδα. Πολεμάρχα δὲ παρήγγειλαν οἱ τριάκοντα τὸ ὑπ' ἐκεί-  
νων

ναν εἰδιωμένον παρ' ὀφθαλμοῦ, πίνειν κώνειον, πρὶν τὴν αἰτίαν εἰπεῖν, δι' ἣν τὴν ἐμελλεν ἀποθανεῖν.

## §. VII.

Tertius, quem hac poena Athenis olim ereptum obferuavi, est Socrates, philosophorum coryphaeus, qui licet non sub XXX. tyrannis perierit, non multo tamen post ueneni potionem mortiferam ex mandato publico hausit. Nam quemadmodum Socrates Therameni, ad cicutam bibendam quum duceretur a lictoribus, opem ferre instituit, sic et ipse quatuor annis post eodem mortis genere occubuit, quippe qui Olympiadis nonagesimae quintae anno primo expirauit. De quo quidem uiro, qui ab oraculo Delphico omnium appellatus est sapientissimus, multa hic dicere superuacaneum foret, quum nemo tam ignarus sit rerum in philosophia omnium, qui, quantus hic uir fuerit, ignoret, ac pleni ut de ipso uiro, sic et de ipsius obitu ueterum sint libri. Nam Socratem cicutae potione obiisse testatur DIOGENES LAERTIVS *Lib. II. segm. 42. p. 105*, de eodem locutus, καὶ δεθείς μετ' ἑ παλαιοῖς ἡμέρας ἔπινε τὸ κώνειον. Ex Graecis idem tradunt DIODORVS SICVL. *Lib. XIII. p. 416*. D. AELIANVS *V. H. I, 16*, LVCIANVS *bis accusato p. 215*. et in primis PLATO et XENOPHON locis passim laudandis. Nec Latini in memorando Socratis ex hac uita excessu per cicutam Graecis concessisse quicquam uidentur, dum eius mentionem minime raro fecerunt. Fecerunt, ut quosdam tantummodo adducamus, id CICERO *Tusculan. I, 40*. SENECA *epistola III, et LXVIII*, nec non *de prouidentia cap. 3*. APVLEIVS *Metamorph. Lib. X. p. m. 192*. Ex his quum certum exploratumque sit, Socratem cicuta publica interentum esse, causam, quamobrem capitis damnatus sit, paullo altius repetendam esse existimamus. Id est in confesso, tres Socratis fuisse accusatores, Anytum, Lyconem et Melitum. uid. praeter PLATONEM DIOGENES LAERTIVS *Lib. II. segm. 39. p. 103*. et DIODORVS SICVLVS *Lib. XIII. p. 416*. D. Ipsa uiri innocentissimi accusatio, quam hi aduersarii et fecerunt, et more Athe-

Athenis recepto iurarunt, uariis uerbis ab antiquis refer-  
tur. PLATO *Apolog. Socratis*, p. 359. E. eam his uerbis con-  
ceptam scribit, *Σωκράτης ἀδικεῖ, καὶ περιεργάζεται, ζητῶν τὰ τοῦ  
ὑπὸ γῆν καὶ τὰ ἐπεράνια, καὶ τὸν ἥττω λόγον κρείττω ποιοῦν, καὶ  
ἄλλες ταῦτα διδάσκων.* Contra hoc calumniae iusiurandum  
his uerbis memorat XENOPHON *Memorabil. Lib. I. p. 708. A.*  
*Ἀδικεῖ Σωκράτης, ὅς μὲν ἡ πόλις νομίζει θεὸς, ὃ νομίζων, ἕτερα δὲ  
καὶ αἰμαμόνια εἰσφέρειν. ἀδικεῖ δὲ καὶ τὰς νέες διαφθείρων,* quae  
ipsa etiam uerba ex Phauorino habet LAERTIVS *Lib. II.*  
*segm 40. p. 104.* Ad quem auctorum dissenfum tollendum prae-  
clare hic tenendum est ex Platone, duplicem Socratis accu-  
sationem factam esse, quarum altera priori, altera posteriori  
modo est ab aduersariis iurata, si quidem ipse PLATO po-  
steriorem iisdem, quibus Xenophon et alii, uerbis exhibet  
*d. I. p. 361. G.* Plura et alia ueterum testimonia de hac re da-  
bit AEGID. MENAGIVS *ad Diog. Laertium p. 92.* Sed quum  
ex Xenophonte et Platone, qui scriptas Socratis apologias  
posteritati reliquerunt, discamus, falsam hanc fuisse accusa-  
tionem, et crimina, quae uiro sapientissimo obiecta fuerunt,  
conficta, aliam oportet causam, cur damnatus sit capitis,  
fuisse. quam ego nullam censeo aliam fuisse, nisi quod im-  
perio, ut tunc erat, populari infestus fuit. Nam quis nescit,  
imperia apud ueteres maximam partem superstitione nihi  
solita? Certe TULLIO teste *de natura Deorum Lib. I. c. 42.*  
*fuerunt, qui dixerunt, totam de diis immortalibus opinionem  
fictam esse ab hominibus sapientibus reipublicae causa, ut, quos  
ratio non posset, eos ad officium religio duceret.* Itaque quando  
Socrates infimulatus fuit impietatis aduersus deos, ipsius ad-  
uersarii hac accusatione nihil aliud mihi uidentur indicare  
uoluisse, nisi a Socrate reipublicae statum imperiumque sub-  
uertere. Ideo autem impietatis accusationem praetulisse ui-  
dentur, quod plebs, cui res erat probanda, nulla re magis  
moueri et concitari solet, quam superstitione. Nec huius  
meae sententiae nulla plane uestigia in ueterum monimen-  
tis cernere datur. Sic enim LVCIANVS *de non temere  
credend. calumn. c. 14. p. 428.* Socratem dicit apud Athe-  
nien-

nientes *ὡς ἀσεβῆ καὶ ἐπίβελον* accusatum esse. Has uero, quas struxisse Socrates hic memoratur, insidias paullo dilucidius intelligimus ex LIBANIO in *Apolog. Socratis* p. 650. *Cet D.* ubi inter causas, cur damnatus fuerit, recenset, *Μισόδημός ἐστι καὶ τὸς συνόντας πείθει τῆς δημοκρατίας καταγελαῖν, λόγον συνθεῖς ἀνέγναι τοῖς ἑταίροις κατὰ τῆς δημοκρατίας.* Quocirca uerum, ob quod a populo damnatus est, crimen fuit, quod maiestatis reus habebatur, statumque reipublicae, qui tunc popularis erat, euertere iudicabatur.

#### §. VIII.

Quodsi uero exempla, quibus hoc supplicium omnium primis, quod scimus, fubeundum fuit, paullo attentius ponderamus, et rationes huius poenae sollicitius consideramus, sine ullo negotio intelligimus, cicutam iis poenam fuisse irrogatam, qui maiestatis rei dicebantur, ac praesentem dominationem, reique publicae statum labefactasse credebantur. Equidem de Polemarcho id affirmare non auserim, propterea quod nec accusatio contra ipsum instituta, nec ipsi facultas causam dicendi seque defendendi concessa fuit. Quod uero ad Theramenem attinet ac Socratem, ex iis, quae paullo ante copiosius dicta sunt, perspicuum esse censeo, eos de hoc in primis scelere accusatos publice fuisse, neque alia de causa ulla cicutam bibere coactos, nisi quod contra imperii reique publicae rationem, ut tunc erat, et sentire et agere ducebantur. Id enim nisi populo persuasissent accusatores utriusque, et falsa hac criminatione odium plebis aliquod utrique conciliassent, nunquam, opinor, aduersariis licitum fuisset, uiros, quos populus sui studiosissimos et integerrimos antea cognouerat, morti subiicere, cicutaque tollere e medio. Nam quid opus fuisset accusatione in Senatu solemnī, nisi id ad populum deliniendum eumque de criminibus interficiendorum conuincendum factum fuisset? Hac sane ratione plebem ad necem Socratis decernendam inductam et quasi sopitam fuisse, uel ex eo manifestum est, quod statim iniquissimae actionis poenitentia ducta eius accusatores, ne dicta  
quidem

quidem caussa, capitis supplicio affecit. uid. DIODORVS SICVLVS *Lib. XIII. p. 416. D.* Quoniam ergo in populi erat potestate positum, post mortem uiri integerrimi in eius aduersarios summa acerbitate animaduertere, minori certe opera illum ipsum a uenenata potione liberare et incolumitati uindicare potuisset, nisi ipsi persuasum fuisset, eum maiestatis reum et salutis publicae infestum, adeoque dignum esse, qui poena publica afficeretur. Accedit, quod cicuta ab primo tempore Athenis publica poena sancita iis postea quoque iniuncta fuit, qui reipublicae perniciosi et salutis patriae eueriores seu maiestatis rei reperiabantur.

## §. IX.

Illustre nobis hac in re specimen praebet Phocion, qui ad cicutam publicam hauriendam nullam aliam ob causam compulsus fuit in carcere, nisi quod prodicionis suspicione tenebatur, et aduersus populi commoda stetisse inueniebatur. Satis quidem tralatitio modo exitum ducis non spernendi descripsit CORNELIVS, quum in eius uita nec mortis genus, quo obiit, nec locum, ubi periit, annotauerit, satis sibi dixisse uisus, si generatim cum ad mortem ductum significaret. At vero quanquam Nepoti supplicii, quod Phocioni subeundum fuit, rationem in acceptis referre minus possumus, aliis tamen scriptoribus huius rei accuratorem cognitionem iure meritoque debemus. Nam Phocionem una cum sociis suis cicutae haustu in carcere fuorum, quorum accusatus est, criminum poenas dedisse ciuibus, ex DIODORO SICVLO tam est in apriço positum, quam quod maxime. Sic uero ille *Lib. XVIII. p. 663. D.* de ipso eiusque sociis, *Τὸ δ' ἔσχατον πανδήμῳ Φωνῇ καταχειροτονήδεντες εἰς τὸ δεσμωτήριον ἤγοντο ἐπὶ θανάτῳ*, et paucis uersibus interiectis, *Διὰ δὲ τῆς τῆ κακείης πόσεως κατὰ τὸ πάτριον ἔθος τὸν βίον καταλύσαντες*. cui suffragantur PLVTARCHVS et AELIANVS locis mox proferendis. Crimen, quod mortem Phocioni eiusque affecis accelerauit uiolentam, PLVTARCHVS *in eius uita p. 756.* in prodicione constituisse affirmat. Sed caput totius accusationis in eo situm ex mente DIODORID. I. B. fuit,

fuit, ὅτι ἔτοι παρσάτιοι γεγέννηται μετὰ τὸν Λαμιακὸν πόλεμον, τῆς δὲ δαλείας τῇ πατρίδι, καὶ τῆς καταλύσεως τῆ δῆμῃ καὶ τῶν νόμων. CORNELIO in eius uita cap. 4. auctore id maxime cicutae supplicium Phocioni attulit, quod aduersus populi commoda in senectute stetisset. Quae quum ita sint, neminem fore existimo, qui dubitet, Phocioni, et eius fociis propter laesam maiestatem, hoc est, propter infesta de re publica ac salute patriae consilia cicutam in custodia publica bibendam fuisse. Ceterum quo animo, quae mentis excelsitate hic uir fuerit, ex iis perspicui potest, quae nobis partim PLVTARCHVS, partim AELIANVS de eoi iam iam moribundo exposuerunt. Ille uero sic in eius uita p. 758. D. Επεὶ δὲ Θάδιππος ἐν τῷ δεσμοτηρίῳ γενόμενος καὶ τὸ κάκειον ὁρῶν τριβόμενον, ἡγανόκει, καὶ κατέκλειε τὴν συμφορὰν, ὥς ἔ προσήκόντως τῷ Φωκίῳ συναπολάμενος, Εἰτα ἐκ ἀνταπῶς, εἶπεν, ὅτι μετὰ Φωκίανος ἀποθνήσκεις; hic autem Var. Hist. Lib. XII. c. 49. Φωκίαν, ὃ τῷ Φάκῃ, πολλὰίς τρατηγῆσιν κατεγνώσθη θανάτῳ, καὶ ἦν ἐν τῷ δεσμοτηρίῳ, καὶ ἐμελλε πιεῖσθαι τὸ κάκειον. ἐπεὶ δὲ ᾤρεξεν ὁ δῆμιος τὸν κύλικα, οἱ προσήκοντες ἤροντο, εἰ τι λέγοι πρὸς τὸν υἱόν; ὃ δὲ, ἐπισκῆπτω αὐτῷ, μηδὲν Ἀθηναίοις μνησικακήσεν ὑπὲρ ἧς παρ' αὐτῶν φιλοδησίας, ἧς νῦν πίνω. utrumque hoc etiam repetiit PLVTARCHVS *Aprophthegm. Imperat. p. 189. A.*

## §. X.

Haec igitur sunt illa exempla, de quibus diserte ab auctoribus traditum obseruavi, iis siccum cicutae publice mixtum supplicii loco apud Athenienses hauriendum fuisse. quibus tamen multo plures eundem uitae exitum, eandemque sortem Athenis habuisse, qui negaturus sit, fore puto neminem. Neque enim cum Phocione solum alii multi eiusdem, cuius ille, factionis eadem poena interierunt, uerum etiam Crito apud PLATONEM *Phaedon. p. 401. H.* se testatur et alios uidisse ante Socratem, qui coacti fuerint cicutam bibere. Quid? quod longo post tempore diuque post rem publicam Atheniensium funditus euersam idem hoc supplicii genus adhuc in usu fuisse apud Romanos uidetur. Etenim si uera sunt, quae Graeci de mor-



te Iustini martyris nobis reliquerunt, cicutae illum potio calixque uenenatus transtulit in coelum. Equidem non sum nescius, aliud plane mortis genus Patri huic sapientissimo tribui in Actis illis, quae de martyrio huius Iustini adhuc superesse feruntur. uid. BARONIVS *ad annum 165. n. 2. p. 150.* et GVIL. CAVE *Antiquit. Patr. Part. I p. 316. seq.* Nam in his, quae diximus, actis memoratur, Iustino eiusque sociis numero sex a Rustico, praefecto urbis, denuntiatum fuisse, ut uel imperatoris edicto parerent, Diisque sacrificarent, uel ex praecepto legum flagello caesi ad capitalem poenam abducerentur, et Iustinum imperata a Rustico facere nolentem una cum sodalibus ad consuetum locum perductum post uerbera securi percussum esse, et in Saluatoris confessione martyrium consummasse. At longe aliter huius uiri exitum mortemque referunt Graeci. his enim auctoribus Iustinus non securi percussus occubuit, sed cicutae potione ipsis Kalendis Iuniis ex hac uita discessit. Verba, quibus obitus Patris Philosophi narratur, ita se habent in *Menaëis Graecis ad diem mensis Iunii primum*, Εἰς τὴν α' τῆς Ἰουνίου μηνὸς τῆς α' αἰνὸς μαρτυροῦς Ἰουστίνου τῆς φιλοσόφου.

Ἰουστίνον κόπτεον ἦεν ἐκ βίης.

Ὡς εἶδε πρῶτον τὸς πένθ' δαδωκότας.

Πρώτη Ἰουνίου ἐλεβορίζεται Ἰουστίνον.

Non est mihi iam animus, multis inquirere, utrum cicuta, an securi perierit Iustinus, praesertim quum nec Eusebius ullam de mortis genere, quod pertulerit martyr, mentionem faciat, nec me fugiat, per hanc potionem mortiferam ab aliis nihil aliud intelligi, nisi odium acerbissimum Crescentis philosophi, quo effectum sit, ut Iustinus capitis damnaretur. Contra ea mihi pariter constat, acta illa, ex quibus alterum illud mortis genus de Iustino assertur et confirmatur, partim spuria a uiris doctissimis haberi, partim de alio Iustino explicari. Sed utcunque ista se habeant, nos ad cicutam nostram Athenis frequentatam reuertimur.

#### §. XI.

Postquam igitur haecenus dictis satis demonstratum esse  
C. puta-

putamus, cicutae potionem in maiestatis damnatos publice constitutam fuisse apud Athenienses poenam, iisque irrogatam, qui contra imperium et commodum rei publicae machinari aliquid credebantur, sequitur, ut paucis etiam doceamus, cur non uenenum quodcunque, sed cicutam huic supplicio elegerint Athenae. Quod quum fieri non possit aliter, nisi ut de ipsa cicuta, herba, eiusque uiribus agamus, non ab re erit ea, quae hoc in genere apud ueteres mihi obseruata fuerunt, in lucem aspectumque proferre. Ac primum quidem uidebimus, quibus in regionibus cicuta nasci maxime tradatur, et quae dicatur maximarum uirium esse. Eam, quae Sufis, urbe in Parthorum regno nobilissima, crescebat, reliquis ueneni acerbitate antecessisse auctor est PLINIVS *H. N. XXV, c. 13. Maxima uis natae*, cicutae, *Sufis Parthorum, mox Laconicae, Creticae, Asiaticae, in Graecia uero Megaricae, deinde Atticae.* Non defuerunt quidem, qui lectionem hoc in loco uulgarem sollicitare, eamque corrigere dicam, an peruertere non dubitarunt. Sic enim praeter ceteros uerba Plinii, quae modo attulimus, legenda censet PETRVS PETITVS *Miscellan. Obseruat. p. 48. Maxima uis natae Sufis Parthorum, mox Asiaticae, in Graecia uero Laconicae, Creticae, Megaricae, deinde Atticae.* At non erat profecto, quod Vir doctissimus receptam lectionem in dubium uocaret, et aliam nobis a mente ipsius Plinii alienam propinaret. Nam ipse PLINIVS *H. N. III, 7.* dicit Laconiam et Cretam ad Graeciam speciatim consideratam non pertinere. uid. si placet, IOANNES HARDVINVS *ad Plinium p. 383.* Deinde de cicuta Sufis enasci solita Plinio patrocinator THEOPHRASTVS *Histor. Plantar. Lib. IX. c. 17.* de reliquis regionibus cicuta fertilibus idem testatur DIOSCORIDES *Lib. III. c. 79.* Cicutam autem inter uenena referendam esse, non solum exempla antea producta confirmant huius potione peremta, uerum auctores etiam id clarissimis uerbis testantur. Ac ne in afferendis testimoniis, quae uel ex hac commentatione facili negotio conferri possunt, nimii sumus, satis habebimus unum audire PLINIVM, qui

qui *H. N. XXV, 13. Cicuta*, inquit, *quoque uenenum est, publica Atheniensium poena inuisa.* Sed tantum abest, ut haec herba omnibus animalibus mortem afferat, ut nonnullis cibum suppeditet maxime conuenientem. Testis est *LVCRETIVS*, fues cicuta non enecari, sed pinguescere solere, quando *Lib. V. uers. 902. seq.*

*Quippe uidere licet pinguescere saepe cicuta*

*Barbigeras pecudes, homini quae est acre uenenum.*

Id ipsum etiam cognoscere datur ex *AELIANO de Animal. Histor. Lib. III. c. 23.* Eadem ratione a sturnis cicuta sine ullo detrimento aut periculo uitae deuoratur. cuius rei testimonium satis assiduum perhibet *GALENVS de simplic. medic. uiribus Lib. III. c. 18. p. 78. C. edit. Paris.* Οὕτως ἔν τῷ κώνειον ἀνθρώπον μὲν ἀναιρεῖ τῆτε τῶν πόρων ευερίτητι καὶ τῷ πλήθει τῆς θερμότητος καὶ τῇ ῥύμῃ τῆς τῶν ἀρτηριῶν ὀλκῆς, ἰσχυρὸν ἔτι πρὸς τὴν καρδίαν ἀφικνήμενον. ἐκ ἀναιρεῖ δὲ τὰς ψάρας ἐπὶ τοῖς ἐναντίοις αἰνίοις. E contrario haec ipsa herba nocet oloribus, teste *AELIANO Histor. Animal. Lib. III. c. 7.* Hominibus cicutam uitae periculum afferre et uenenum esse praeter ipsa exempla affirmat *PLINIVS H. N. XIII. c. 5. Sicut cicuta homini uenenum est, sic cicutae uinum.* Idem ex *Lucretii* et *Galenii* locis iam nunc prolati ipsa luce clarius est. accedunt *AELIANVS d. l. DIOSCORIDES Lib. III. c. 79. alii.*

### §. XII.

Cicutam uero in genere uenenorum non uehemens esse, neque toto, quod aiunt, genere uenenum, quae sunt uerba *PETR. PETITI d. l. p. 48.* uariis confirmatum exemplis apud ueteres reperimus. Luculentissimo huic rei est documento anus illa Attica, quae a minima cicutae portione auspicata, paullatimque ad maiorem copiam progressa, hac ratione mandendae eius consuetudinem sibi fecerat. qua de re *GALENVS d. l. p. 78. E.* Καὶ τὸ κώνειον ἀνθρώπον μὲν ἀναιρεῖ τῷ φθάνειν. ψάρας δὲ τρέφει τῷ βραδύνειν. ἀναιρήσει δὲ ἔδδ' ἀνθρώπον, ἀν' ὀλίγον ληφθεῖν. καὶ τὸτο καὶ ἡ Ἀττικὴ γράους ἔδειξεν, ἥς ἀπαντες μνημονεύουσιν. ἀπ' ἐλαχίστη μὲν ἀρξαμένη κυνέει, προσελθῆσα δὲ ἀλύπως ἐπὶ πλήθος ἰκαγόν. ἐξ ἀρχῆς μὲν γὰρ

ἐνικήθη τὸ βραχὺ δι' αὐτὴν τὴν ὀλιγότητα, τῷ δὲ ἐθισμῷ σύμφυτον ἐγένετο. Idem etiam suo exemplo docuit Seneca, qui teste TACITO *Ann. Lib. XV. c. 64.* durante tractu et lentitudine mortis Statium Annaeum diu sibi amicitiae fide et arte medicinae probatum orauit, ut prouisum pridem uenenum, quo damnati publico Atheniensium iudicio extinguerentur, promeret, allatumque hausit frustra frigidis iam artubus et clauso corpore aduersum uim ueneni. Quid? quod nonnulli uel publice damnati apud Athenienses cicutam quandoque bis, quandoque ter bibere coacti sunt, prout ex PLATONE *Phaed. p. 378. A.* intelligi potest. Multum autem ad uires cicutae letales conferre ipsa loca, in quibus reperitur et nascitur, ex §. superiori XI. iam patet. Sic in Italia cicutam non adeo exitialem esse ex MATTHAEOLO *ad Dioscoridem Lib. III. c. 74. et Lib. VI. c. 11.* discimus, ubi uaria affert exempla eorum, qui a cicuta uel pota uel in cibis sumpta praeter amentiam ac furorem nihil passi fuerunt, ab ipso Matthaeolo pristinae mentis sanitati restituti. Hinc etiam FORTVN. LICETVS *antiq. Schemat. gemm. annular. p. 421.* negat cicutam Italico uel Gallicano solo natam succo suo mortem afferre posse. De hac igitur cicuta, quae letalis non consueuit esse, intelligendus uidetur HORATIUS *Epod. III. 3.*

*Edat cicutis allium nocentius,*

et PLINIVS *H. N. XXV, 13.* quando cicutam scribit uiridem in patinis edi. Sine dubio quoque eiusmodi cicutam, quae frigore suo non exstinguit homines, respexit GALENVS, dum in libro, quod mores animi temperamenta corporis sequantur, *cap. 3. p. 447. C. ed. Paris.* Ἡ μὲν, inquit, τῆ αἵματος κένωσις καὶ ἡ τῆ κωνείας πόσις καταψύχσει τὸ σῶμα.

### §. XIII.

Virus cicutae non acerrimum esse, exinde quoque, opinor, perspicitur, quod uariae res eidem mederi ab antiquis dicuntur. Nam sicut cicuta homini uenenum est, sic cicutae uinum, scribit PLINIVS *H. N. XIII. c. 5.* Idem *Lib. XXV. c. 13.* Remedio est cicutae, priusquam perueniatur ad uita-

*uitalia, uini natura excafactoria.* Plinio iam praeiuit DIOSCORIDES *Lib. III. c. 79.* Εσι δὲ καὶ αὐτὸ, κώνειον, τῶν φαρμακῶν κατὰ φύσιν ἀναιρεῖν. βοηθεῖται δὲ ἀκράτω. Non possum mihi temperare, quin hic exhibeam illustrem hac de re locum, qui legitur in PLVTARCHO *Symposiac. Lib. III. quaeß. V. p. 653. A.* Εὰν δὲ, ὅτι τὸ κώνειον ἐπιπινόμενος ἰάσασθαι δοκεῖ πολὺς ἀκράτος, οἶονταί τῷτο θερμότητος, εἶναι τεκμήριον, ἡμεῖς αὐφῆσομεν ἀναστρέφαντες, ὅτι συγκρατὲν αὐτὸ τῷτο φάρμακον ἀνίατέν ἐστι, καὶ καθάπαξ ἀποκτείνει τὲς πίνοντας. ὥστε μηδὲν μᾶλλον εἶναι δοκεῖν τῷ ἀντιπράττειν θερμὸν, ἢ τῷ συνεργεῖν ψυχρὸν. εἰ δὲ μὴ, ψυχρότητι τὸ κώνειον, ἐκ ἄλλῃ τινὶ φύσει καὶ δυνάμει μᾶλλον δενέειν ἐστὶν ἀναιρεῖν τὲς πίνοντας. *Experientia id magistra didicisse uidentur sacrilegi, qui Lacedaemone Mineruae Chalcioeci templum compilaturi cicutam biberant, eius uenenum autem epoto mero diluerant.* Ita enim de his hominibus perditissimis PLVTARCHVS *de garrulitate p. 509. D.* Εὐ Λακεδαιμόνι τῆς χαλκιοῖκε τὸ ἱερὸν ὥφθη σεσυλημένον, καὶ κεκμήνη ἔνδον κενὴ λάγυρις. ἦν ἔν ἀπορία πολλῶν συνδεσθαιμηκότων. καὶ τις τῶν παρόντων, εἰβέλεσθε, εἶπεν, ἐγὼ φράσω ὑμῖν, ὃ μοι περίστατο περὶ τῆς λάγυρις. νομίζω γάρ, ἔφη, τὲς ἱεροσύλας ἐπὶ τηλικῆτον εἰλθεῖν κίνδυνον κώνειον ἐμπιόντας καὶ κομίζοντας οἶνον, ἵνα, εἰ μὲν αὐτοῖς λαθεῖν ἐγγένοιτο, τῷ ἀκράτῳ ποθέντι σβέσαντες καὶ διαλύσαντες τὸ φάρμακον ἀπέλθοιεν ἀσφαλῶς. εἰ δ' αἰλίσκοιντο, πρὸ τῶν βασιάνων ὑπὸ τῇ φαρμάκῃ θάδιως καὶ ἀνωδύνως ἀποθάνοιεν. Sicuti uero cicutae haustae uinum resistit, eiusque uim, quo minus mortem conciliet, retundit, sic e contrario ipsa cicutae ad uinum largius bibendum conducere, et ob hanc ipsam causam praesumpta esse ab heluonibus refertur. PLINIVS *H. N. XIII, 22.* Ac bibendi causa etiam uenena conficiuntur, aliis cicutam praesumentibus, ut bibere mors cogat, aliis pumicis farinam.

## §. XIII.

Neque tamen uinum solum cicutae uires ad interficiendum ineptas reddit et inertes, sed et aliis rebus eadem uirtus inesse dicitur. Nulli dubitamus, inquit OLAVS BORRICHIVS *in dissert. de uenenis p. m. 215.* periculo a cicutae

largiori dosi orienti conuenienter occurri posse et protelari interitum haustu rutae, gentianae, amomi, castorei, myrrbidis, piperis. uid. NICANDER *Alexipharm.* p. 142. edit. Paris. ex quo et PLINIVS H.N.XXII. 13. affert, urticae semen cicutae contrarium esse. Interim cicutae, quod affirmauit Borrichius, rutam remedio esse, non tantum PLINIVS XX, 13. docet, uerum etiam ATHENAEVS *Deipnos. Lib. III. c. 7. p. 85. A.* ex Theopompo annotauit, Heracleotas se contra uim cicutae ruta muniuisse. Εἰ τις τέτοις ἀπιεῖ, inquit, μαθέτω καὶ παρὰ Θεοπόμπῃ τῷ Χίῳ, ἀνδρὸς Φιλαλήδους καὶ πολλὰ χρήματα καταναλώσαντ' εἰς τὴν περὶ τῆς ἰσορίας ἐξέτασιν Ἀκέρβῃ. Φησὶ γάρ ἐτ' ἐν τῇ οὐδὲ καὶ τριακῶσιν τῶν ἰσορίων περὶ Κλεάρχου διηγέμεν τῷ Ἡρακλεάτῃ, τῶν ἐν τῷ Πόντῳ τυράννων, ὡς βιαίως ἀνῆρει πολλὰς. καὶ ὡς τοῖς πλείστοις ἐδίδοι κώνειον πιεῖν. ἐπειδὴ ἔν, φησὶ, πάντες ἔγνωσαν τὴν τῷ Φαρμάκῃ ταύτῃ φιλοτησίαν, ἢ προήεσαν τῶν οἰκίων, πρὶν Φαγεῖν πῆγανον. τῷτο γάρ τῃς προφαγόντας μὴδὲν πάσχειν πίνοντας τὸ ἀκόνιτον. Quo quidem in loco HIERONYMVS MERCVRIALIS, *Lib. III. Var. Lection. cap. 4 p. 58.* nomen κώνειον corrigendum putat per ἀκόνιτον, propterea quod ANTIGONVS in *Collectaneis paradoxis* eandem rem memorans nullam mentionem fecit τῷ κώνειῳ, sed tantum aconitum nominauit. Sed prout ipse Vir. doctissimus eatenus Antigonum ex Athenaeo emendandum censet, qua pro Clearcho habet Agatharchus, sic caussam uideo nullam, cur, quod ad nomen κώνειον attinet, hic ex illo corrigendus sit. Nam primum cicutae rutam resistere iam probauimus. deinde ab Athenaeo ἀκόνιτον et κώνειον pro uno eodemque sumtum esse ex STEPHANO licet cognoscere, qui *de urbibus V. Διόναι*, hunc ipsum Athenaei locum referens, λέγεται καὶ ἀκόνιτον, inquit, πληττεῖον Φάρμακον, ὡς Ἀθηναῖ' ἐν τῷ τρίτῳ Δεσπιοσοφιστῶν, ἰσορίων, τῃς προφαγόντας τὸ πῆγανον μὴδὲν πάσχοντας ἐν τῷ κώνειῳ. uid. ISAACVS CASANBONVS *ad Athenaeum* p. 164. Ipse Mercurialis ab hac sententia non uidetur admodum abhorruisse, dum dicto loco sic ait, *Vi uulgo hodie toxicici nomine genus ueneni quoduis significamus, sic forte et cicutam et*

*aconitum ueteres indifferenter usurparunt, quando scilicet uenenum et non plantarum genus diuersum erat significandum. simulque obseruat Arabes καίκερον et ἀκόνιτον forsan idem putantes sturnos aconito uesci tradidisse, quum non aconito, sed cicuta eos nutrirī Galenus et alii tradant. uid. §. XI. Mihi certe dubium non uidetur, quin cicuta pro aconito et hoc pro illa apud ueteres nonnunquam fuerit collocata. Nam cum illud iam ex Athenaei et Stephani locis apparet, tum idem ex MACROBIO ipsa luce illustrius est, qui *Saturnal. Lib. VII. c. 6. p. m. 541.* uinum natura frigidum esse probaturus, *Dabo aliud, inquit, indicium accidentis magis uino, quam ingeniū caloris. nam si quis aconitum nesciens hauserit, non nego haustu eum meri plurimi solere curari. infusum enim uisceribus trahit ad se calorem et ueneno frigido quasi calidum iam repugnat. si uero aconitum ipsum cum uino tritum potui datum sit, haurientem nulla curatio a morte defendit.* Nam quis haec legendo, uel me tacente, non intelligit, Macrobiū hic non tam respexisse, quam expressisse PLUTARCHI locum, quem §. XIII. *ex Symposi Lib. III. quæst. V. p. 653.* produximus. Atqui quum, quae Plutarchus de cicuta mēmorat, haec ipsa Macrobius de aconito dicat, perspicuum est, aconitum et cicutam interdum promiscue usurpatam. ut taceam, ea, quae aconito tribuit Macrobius, cicutae conuenire omnia ex §. superiori XIII. His iungi poterit IOACHIM. KVHNIVS *ad Aeliani V. H. III. 37. p. 294.* ubi docet ἀκονίτιδος idem sonare, quod κανιότιδος.*

## §. XV.

Quamobrem quia pro aconito quandoque reperitur cicuta posita, lucem fortasse accipit locus HORATII, qui interpretum ingenia mirandum in modum exercuit. Habetur ille *Lib. II. Epist. II. uers. 52. seq.*

*Sed quod non desit, habentem*

*Quae poterunt unquam satis expurgare cicutae.*

Quum enim cicuta nulla ualeat facultate purgandi ex sententia medicorum, uid. GVIDO PATINVS, medicus Parisiensis,

siensis, apud LICETVM loco saepius iam laudato p.412.eandem  
 tamen hoc in loco ei tribuat poeta,uariis modis mentem Ve-  
 nusini uatis explicare studuerunt, qui in eum commentati  
 sunt.Plerique Acronem,ueterem Horatii interpretem, secuti  
 cicutam hic pro helleboro adhibitam esse contendunt.DIONVS.  
 LAMBINVS mauult hoc nomine significari cucurbitas, quae cor-  
 poribus admoventur, ad uitiosum sanguinem eliciendum,  
 uel loco cicutae legendum putat, *Sicyiae*, quae uox Grae-  
 ca est Gallis et Graecis medicis usitata, qua id intelligunt,  
 quod Latini cucurbitas appellant. ADRIANVS TURNE-  
 BVS *aduersar. Lib. I. c. 8.* Horatium hic censet cicutas po-  
 fuisse uel pro herbis medicatis et purgantibus, in quibus  
 singulis uirosus succus inest ac deleterio medicamento pro-  
 ximus, uel respectu ad ferulaceos et cicutis similes helle-  
 bori caules, cicutas dixisse, ut intelligamus, ex caulium hel-  
 lebori cicutis helleborum cicutam ad medicamentorum in-  
 famiam uocasse, aut uenenatam medicamenti speciem pro  
 salutari ioculariter posuisse. Turnebo aliqua ex parte ad-  
 stipulatur CL. SALMASIVS *ad Solinum p. 742.* dum in hoc  
 poetae loco per cicutam intelligi uult quamlibet cannam  
 intus cauam et inanem. FORTVN. LICETVS *d. l. p. 415.* Ho-  
 ratium non agere medicum hic loci credit, ut de cicutae  
 planta purgante corpus humoribus prauis agere debuerit,  
 sed poetam de cicuta musice canora, uel proprie fistulam  
 harmonicam intelligentem, uel per metalepsin signantem  
 ipsam poesin. At quamuis tantis Viris meliorem aliquam  
 ac ueritatis specie se efficacius commendantem explicatio-  
 nem in scenam producere, per quam arduum, paene dixe-  
 rim, temerarium uideatur, neminem tamen tam iniquum  
 fore confido rerum aestimatorem, qui uitio mihi daturus  
 sit, si saluis summorum hominum cogitatis meam qualem-  
 cunque de loco obscurissimo coniecturam iussero in lucem  
 prodire. Probatum est §. superiori, cicutam et aconitum  
 promiscue usurpari solita. quod ut loco, de quo agimus,  
 Horatiano applicari posse existimem, eo adducor, quod  
 aconitum facultatem purgandi tantam habere dicitur, ut  
 eua-



euacuatione homines occidat. Tradit id uerbis disertissimis IULIUS POLLUX *Lib. V. segm. 132. p. 547.* Οἱ δὲ καὶ τὰ ἐλατήρια Φάρμακα ἐπὶ τέττε τάττεσιν, ὡς διὰ κενώσεως αἰσθάνονται, ὥσπερ τὸ ἀκόνιτον καὶ τὸ ἐλέβορον. τὸ γὰρ κώνειον κατὰ φύξιν ἀναιρεῖ, ὥσπερ ὁ μανδραγόρας κατὰ καρφηβαρίαν. Sententiam uero Horatii in uersu adducto hanc arbitror esse, *Hominem auarum nullum unquam medicamentum, quod uel summam maximamque purgandi uim ac potestatem habet, sanum reddit, ut plura habendi exuat cupiditatem.*

## §. XVI.

Venenum non uehemens cicutam esse cum clarum sit ex iis, quae a nobis commemorata haecenus fuerunt, tum eandem efficere tranquillissimum et ab omni doloris sensu remotissimum ex hac uita discessum nemo facile negabit, nisi qui nihil unquam hac de re legit in ueterum monumentis. Etenim quando Thrasyas Mantinensis gloriabatur, tale a se medicamentum excogitatum esse, quod facilem et omni dolore uacuum obitum praestaret, cicutam in primis ad conficiendum illud uoluit adhiberi. qua de re THEOPHRASTVS *Histor. Plantar. Lib. IX. c. 17.* Θεράσας δὲ ὁ Μαντεὺς εὐρηκέναι τι τοιοῦτον ἔλεγεν, ὥστε ῥαδίαν ποιεῖν καὶ ἀπονοῖν τὴν ἀπόλυσιν, τοῖς ὁποῖς χρώμεθα κώνειε τε καὶ μήκωνι καὶ ἐτέρων τοιούτων. Cicutam ergo potam, uerba sunt SCRIBONII LARGI *composit. medic. c. 179.* caligo mentisque alienatio et artuum gelatio insequitur, ultimoque praefocantur, qui eam sumserunt, nihilque sentiunt. Qua de causa Socratem facillimo mortis genere defunctum praedicat XENOPHON. *Apolog. Socrat. p. 707.* C. de eo scribens, Τὸ μὲν γὰρ βίβς τὸ χαλεπώτατον ἀπέλιπε. τῶν δὲ θανάτων τὸ ῥάσις ἔτυχεν. Vnde inuidus iste se deferens apud LIBANIVM *Declamat. VIII. p. 323. A.* Τὴν διὰ κώνειε προτίθησι τελευτὴν τῆς ἐκ τῆς λυπεῖδος συμβητομένης. Praeterea ipsum necandi modum, quo cicuta utitur in potoribus suis, pensitanti altius unicuique fiet manifestum, hanc moriendi rationem cum nullo fere doloris sensu coniunctam esse. Nam si

si uerum est, quod auctores satis assidui testantur, cicutam frigore suo calorem in corpore humano sensim exstinguere, et sanguine spissando homines necare, per se patet, omnem fere acerbiter ab hac dissolutione corporis et animae exulare. Elegantissime haec describit N I C A N D E R. *Alexipharm. p. 140.*

Καὶ τέ σ' ὅσον κωτεῖς βλαβὸς ἐν τεκμήρεο πῶμα,  
Κεῖνο ποτὸν δὴ γάρ τε κορήατι Φοινὸν ἰάπλει,  
Νύκτα φέρον σκοτίζεσσαν, ἐδῆνησεν δὲ καὶ ὅσσε,  
Ἰχθυεσι δὲ σφαλεροὶ τε καὶ ἐμπάζοντες ἀγνυαῖς  
Χερσὶν ἐφερπύζουσι. κακὸς δ' ὑπὸ νεῖατα πνυγμός  
Ἰσθμια καὶ Φάρυγος σενὴν ἐμφράσσεται οἶμον,  
Ἀκρὰ δὲ τοι ψύχει.

Sic uero uim suam letalem in corpore humano pota cicuta exerit, ut a pedibus progrediatur ad praecordia. unde de illa A R I S T O P H A N E S *Ran. uers. 125.*

Εὐθὺς γὰρ ἀποπνήγῃσι τὰν τανήμια.

ubi SCHOLIAITA p. 125. Ἀπὸ τῶν ποδῶν ἔτ' ὁ θάνατος ἀρχεται, πρῶτος αὐτὸς καταψύχων ὡς τὸ ζωτικὸν αἷματος περὶ τὴν καρδίαν συσπλεγμένον. Exemplum huius rei illustrissimum nobis suppeditat mors Socratis, quam sic describit P L A T O *Phaedon p. 102. D.* Ὁ δὲ περιελθὼν, Σωκράτης, ἐπειδὴ οἱ βαρύνεσθαι ἔφη τὰ σκέλη, κατεκλίθη ὑπτί. ἔτ' ὡ γὰρ ἐκέλευσεν ὁ ἀνδρῶπι. καὶ ἅμα ἐφαπτόμεν αὐτῷ ὁ δὲ τὸ φάρμακον, διαλιπὼν χρόνον ἐπεσκόπει τὰς πόδας καὶ τὰ σκέλη κάπνισσας σφόδρα πύσσας αὐτῷ τὸν πόδα, ἤρετο, εἰ αἰδασάοιτο. ὁ δ' ἐκ ἔφη. καὶ μετὰ τούτῳ αὐτὸς τὰς κνήμας, καὶ ἐπανῶν ἔτ' ἡμῖν ἐπεδείκνυτο, ὅτι ψύχοιτό τε καὶ πήγνυτο. καὶ αὐτὸς ἤπτετο καὶ ἔπεν, ὅτι ἐπεσθὼν πρὸς τῇ καρδίᾳ γίνεταί αὐτῷ, τότε οἰχέσεται. ἤδη ἔν χερσὶν τι αὐτῷ ἦν περὶ τὸ ἥτρον ψυχόμενον κ. τ. λ.

#### §. XVII.

Atque hanc cicutae uirtutem, qua calorem in nobis ui frigoris sui exstinguit, ii quoque agnouisse censendi sunt, qui ea usi sunt ad libidinem ueneremque reprimendam. Tangit haec D I O S C O R I D E S *Lib. III. c. 79.* quando eo referente, ἡ πῶς τὴ κωτεῖς καὶ ἡ κόμη λεία καταπλαττομένη τῶν διδύμων

διδύμων ὀνειράτῃσι βοηθεῖ. παρήσι δὲ καὶ αἰδοῖα καταπλαδέντα. cui addatur PLINIVS *H. N. XXV. c. 13.* Fecerunt id apud antiquos sacerdotis Cereris Eleusinae, si uera sunt, quae tradit SCHOLIASTES *Persu Satyr. V. 145.* *Cicuta calorem in nobis frigoris sui ui extinguit. unde sacerdotes Cereris Eleusinae liquore eius ungebantur, ut a concubitu abstineant.* Cui sententiae accedit testimonium HIERONYMI, qui *Lib. I. aduersus Iouianum p. 191.* edit. Bened. testatur *Hierophantas quoque Atheniensem usque hodie cicutae sorbitione castrari, et postquam in Pontificatum fuerint allekti, uiros esse desinere.* uid. PETRYS HENDREICH *Massiliae Sect. II. p. 2960. Tom. VI. Gron.* Porro facili potest negotio ab unoquoque intelligi, qui factum sit, ut multi antiquis temporibus cicuta mortem sibi consciuerint, eamque sua sponte hauserint. Quum enim probe cognitum haberent perspectumque, cicutae sorbitione et facillimam mortem hominibus et celerrimam contingere solere, nulla sibi ratione uisi sunt melius de uitae statione iniussu imperatoris summi decedere posse, quam si hausta cicuta ad mortem ruebant uoluntariam. Qua quidem ratione iam olim sibi uiolentas manus intulisse fertur Stenobaea, Proeti uxor. Nam dum illa Bellerophontem deperibat, nec ab ipso uoti damnabatur, coniugi persuadet se ab ipso ultro compellatam esse. quare iste ad Iobatem, patrem Stenobaeae, missus ad interficiendam Chimæram ablegatur. quum uero Bellerophonti ab immani bestia ope Pegasi prostrata reduci rex alteram filiam in matrimonium dedisset, Stenobaea hac re audita ipsa se cicuta usa interfecit. SCHOLIA *Aristophanis Ran. uers. 1075. p. 156.* Σθενόβεια δὲ, ἣν Ὀμηρος Ἀντικαν, ἥτις ἡράδῃ τῷ Βελλεροφόντῃ, ἔ μὴ ὑπακούοντῃ, κατεφύεσσαι πρὸς τὸν ἰδίον ἄνδρα Προῖτον ὡς βιαζομένη. καὶ ὅς ἐπεμψε τῷ τὸν πενθερὸν αὐτῆς ἀναγκασθόμενον. ἐλθόντος ἔν ἐκείτῃ Βελλεροφόντῃ καὶ καθαρῶ φανέντῃ μὴ φέρουσα τὴν αἰχμήνῃ ἢ Σθενόβεια, κωνεῖω ἐχρήσατο. uid. si placet HYGIVS *fabul. LVII. p. 103.* De Seneca idem tentante quoniam supra iam dictum est, hic nihil attinet quaedam commemorare, aequae ac

de sacrilegis et templi Mineruae compileribus supra iam adductis. Simile quid nobis persuadere uoluit de nobilissima prodigorum triga Pericle, Callia et Nicia AELIANVS, qui absumtis per intemperantiam luxumque facultatibus ad inicitas redacti cicutam sibi inutuo propinauerint, et hoc potu finem fecissent uitae suae. Locus est *V. H. Lib. III. c. 23.* ubi ita, *Οτι Περικλέα καὶ Καλλιάν τὸν Ἰπποκρίτη καὶ Νικίαν τὸν Περικλεῖδην τὸ ἀσωτέρεσθαι, καὶ ὁ πρὸς ἡδονὴν βίος εἰς ἀπορίαν περιέστησεν. ἐπεὶ γὰρ ἐπέλυε τὰ χρήματα αὐτοῖς, οἱ τρεῖς κἀνέειον τελευταίαν πρόποσιν ἀλλήλοις προπιόντες, ὥς περ ἐν ἐκ συμποσίε ἀνέλυσαν.* Sed grauissime hic Sophistam memoria lapsum, et eorum, quae ex Athenaeo forsan hauserat, oblitum fuisse, praeter SCHEFFERVm in doctissimis suis ad hunc locum obseruationibus docuit IACOBVS PERIZONIVS *p. 384. edit. Gron.* Nam quae Athenaeus de Nicia eiusque amicis consignauit litteris, ea Aelianus ad Periclem et Calliam simul transtulit, quia in antecedentibus eorum facta erat ab Athenaeo mentio. neque enim de Pericle et Callia eiusmodi quid a quoquam traditum reperitur. Ceterum de Nicia agit ATHENAEVS *Lib. XII. c. 9.* Neque aliunde mihi origo consuetudinis apud Ceos, qua senes ad officia patriae praestanda inepti cicutam bibere solebant, arcessenda uidetur, nisi ab eo, quod cicutae potio exitum uitae conciliat faciliorem. Afferuauit nobis huius consuetudinis memoriam et ad nos transmisit AELIANVS *V. H. III 37.* *Νόμος ἐστὶ Κέα, οἱ πάντες παρ' αὐτοῖς γεγενησάμενοι ὥς περ ἐπὶ ξενία παρακαλῶντες ἑαυτοὺς. ἢ ἐπὶ τινι ἐσθραιοδικῇ θυσίᾳ ἀνελθόντες, καὶ σεφανωσάμενοι πίνεσι κἀνέειον, ὅταν ἑαυτοῖς συνειδῶσιν, ὅτι πρὸς τὰ ἔργα τὰ τῇ πατρίδι λυσιτελεῖντα ἀρχεῖσσι εἰσιν, ὑποληρέσης ἤδη τι αὐτοῖς καὶ τῆς γνώμης διὰ τὴν χρεόνον.* ad quem locum uid. SCHEFFERVs et KVHNIVS *p. 294.* Constanti animo hanc mortem subibant senes, quemadmodum id suo docuit exemplo nobilissima apud Ceos matrona, quam ipse VALERIVS MAXIMVS *Lib. II. c. 6. n. 8.* uidit hoc pacto diem obire supremum. Ab his Ceis idem institutum eandemque consuetudinem acceperunt Massilienses, de quibus lau-

laudatus VALERIUS d. l. n. 7. *Venenum: cicuta temperatum in ea ciuitate publice custoditur, quod datur ei, qui causas sexcentis, id enim Senatûs eius nomen est, exhibuit, propter quas mors sit illi expetenda, cognitione uirili beneuolentia temperata, quae nec egredi uita temere patitur, et sapienter excedere cupienti celerem fati uiam praebet.* Immerito autem hanc ex uita discedendi rationem inter poenas retulisse uideatur LICETVS d. l. p. 419. ET IOANNES HARDVINVS *ad Plinii Hist. Nat. p. 383.* quum sua sponte cicutam biberent uitae taedio adducti. Id ipsum liquido constat ex LIBANIO, apud quem *Declamat. XI. p. 377. B.* parasitus ideo sibi ἐπὶ τὸ κάνειον βαδισέον censet, quia genius quidam inuiderat ipsi cibum, atque occasionem uitae uoluptariae furripuerat: et *Declamat. X. p. 361. C.* auarus postulat cicutae potionem, propterea quod drachmarum quingentarum thesauro inuento mille ab eo peterentur. Denique ex *Declamat. VIII. p. 323. B.* id clarissime elucet, ubi non solum inuidus postulat cicutam, quoniam uicinus repente factus erat locuples, sed et perspicuis uerbis dicitur, τὸ ἐκ τῆ νόμῃ κάνειον τοῖς πρᾶττεσι κακῶς ὑμῶν δίδόντων. Nec alia de causa cicutae haustu utebantur Chii, quam quod hoc modo obitus euaderet celer facilisque. THEOPHRASTVS *Hist. Plant Lib. IX. c. 17* Επεὶ καὶ Χίους φασὶ τὸ κάνειον πρότερον ἔχ' ἔσως, ἀλλὰ τρέποντας, καθάπερ οἱ ἄλλοι, χρῆσθαι. νῦν δὲ ἐδ' ἂν εἰς τρέψεν, ἀλλὰ περιττήσαντες καὶ ἀφελόντες τὸ κέλυφος μετὰ ταῦτα κόπτουσιν ἐν τῷ ὄλμῳ, καὶ διαπτήσαντες λεπτά ἐπιπάττοντες ἐφ' ὕδαρ πίνουσιν, ὥς ταχέως καὶ ἰλαφρὰν γίνεσθαι τὴν ἀπαλλαγὴν.

## §. XVIII.

His ita ueluti praemissis non est difficile coniectu, cur cicutam maxime in puniendis maiestatis damnatis adhibuerint Athenienses. Nam eiusmodi supplicio principes in primis, id quod ex allatis constat exemplis, uirique amplissimi afficiebantur. quos licet e medio sublato etiam atque etiam uellent, nolebant tamen multis cruciatibus ac doloribus coniuncta animaduersione in iis perimendis uti. Itaque quasi ratione auctoritatis eorum dignitatisque, quam

obtinuerant uiui, habita supplicium ipsis capitale quidem, at facile tamen et a turpitudine atque acerbitate poenarum, quibus alia in re publica scelera coercebantur, remotum infligere cupiebant. Quum uero usu ueluti edocti scirent, cicutam non solum uenenum non uehemens esse, sed et celerem mortem facilemque maturare, ea sibi in uiros honestissimos nobilissimosque animaduertendum duxerunt, ut ne grauiore mortis genere uita decederent, quam si ipsi mortem sibi consciuissent. Vnde satis accurate IOANNES RHODIUS *ad Scribonium Largum* p. 256. coniectatur, cicutam mitioris poenae loco habitam: Etenim honestam quasi et reliquis mitiorem fuisse hanc poenam publicam per cicutae haustum iniunctam, ex eo mihi non incommode uideor colligere posse, quod cicuta interemti publica non in eundem, in quem reliqui fontes publice interfecti, locum feralem a ministro publico abiiciebantur, sed amicis concedebantur pro arbitrio sepeliendi. uid. §. XXVI. Deinde ab illis, qui cicuta peribant, supplicium non in publico, et in conspectu multitudinis, sed in carcere tantummodo sumebatur. Sed quemadmodum hoc multis testimoniis, non est necesse, probetur, quum id omnia, quae supra affuerunt exempla demonstrent, sic operae pretium nobis facturi uidemur, si de ipso carcere quaedam obseruauerimus.

### §. XIX.

Tria fuerunt genera carcerum apud Athenienses, unum iis destinatum, qui, ne fugerent, custodiebantur, alterum illis dicatum, quorum mores corrigendi erant, tertium uero illis assignatum, qui ad mortem dabantur. Res est in aprico ex PLATONE *Lib. X. de legib.* p. 673. G. Δεσματηρίων δὲ ὄντων ἐν τῇ πόλει τριῶν, ἐνὸς μὲν κοινῇ τοῖς πλείστοις, περὶ ἀγορᾶν, σωτηρίας ἕνεκα τοῖς πολλοῖς τῶν σωμάτων. ἐνὸς δὲ περὶ τὸν τῶν νύκτωρ συλληγομένων ξύλλογον, σωφρονιστήριον ἐπωνομαζόμενον, ἐνὸς δ' αὖ κατὰ μέσσην τὴν χώραν, ὅπου περὶ ἂν ἔρημός τε καὶ αἷς ὅτι μάλιστα ἀγχιόται ἢ τόποι, ἱμαρίας ἔχων ἐπανομίαν φήμην ἰνά. Atque in ultimo horum carcerum cicutam a damnatis haustam fuisse uero uidetur per quam simile, tum, quod

quod in reliquis duobus locus non fuit capitis supplicio afficiendis, tum uero, quod ipsum nomen huic carceri impositum id prae se ferre et indicare uideretur. Cura horum carcerum demandata erat uiris, qui uocabantur, undecim. *SCHOLIA ad Demosthenis Androtianam p. 1441.* Διορίσας ἀρχοντας ἐκέλευεν τὴν ἀρχὴν τῶν δεσμοφυλάκων. αὕτη δὲ ἦν τὸν ἀριθμὸν ἰα ἀνδρῶν. His undecim uiris capitis damnati a iudicibus tradebantur ad supplicium. Quocirca ab *HESYCHIO* ἑνδεκα uocantur ἀρχοντες, οἷς παρεδίδοντο οἱ θανάτω καὶ ἀδικαδέντες. nam a iudicibus diuerfos fuisse hos undecim uiros docet *ARISTOTELES Politic. Lib. VI c. 8. p. 531. B.* Πολλαχθὲ δὲ διήρηται καὶ ἡ φυλάττις, ἀρχὴ, πρὸς τὴν πραττομένην, οἷον Ἀθήνησι τῶν ἑνδεκα καλεσμένων. Horum etiam officium erat uidere, ut supplicium de damnatis eo, quo fas erat, modo fumeretur. *SCHOLIA Aristophanis Vesp. uersf. 1103. p. 317.* Ἡ τῶν ἑνδεκα ἀρχὴ τὲς μὲν ὁμολογεῖται καὶ ἀνδραποδισαῖς καὶ λαποδύτας θανάτω ἐκόλαζον. Legebantur illi singuli e singulis tribubus, quarum quum decem, ut constat, Athenis essent temporibus posterioribus, undecimus ipsis addebatur scribae functurus munere. *IULIUS POLLUX Lib. VIII. segm. 102. p. 920.* Οἱ ἑνδεκα, εἰς αὐτὴν ἐκάστης βελτῆς ἐγίνοντο. καὶ γραμματεὺς αὐτοῖς συνηριμνεῖτο. ἐπεμελεῖτο δὲ τῶν ἐν τῷ δεσμοτηρίῳ καὶ ἀπῆγον κλέπτιας, ἀνδραποδισαῖς, λαποδύτας κ. τ. λ. Notatus est Pollux a *CAROLO SIGONIO de republ. Atheniensf. Lib. III. cap. 3. Tom. V. Gron. p. 1609.* quod scripserit, ab undecim uiris abductos esse homines male feriatos ac scelestos, quum isti ad undecim uiros potius abducti uideantur. At non erat, quod Iulio dicam scriberet Sigonius Vir doctissimus, adeo, ut ipse potius humani hic aliquid passus esse nobis uideatur, quando non ab undecim uiris abductos reos iudicat in carcerem. Primum enim Pollux lictorum et carnicis munia ipsis adscribit undecim uiris, quia, quod quis per alium facit, ipse fecisse dicitur. Deinde undecim uiris arcessi solitis damnati a iudicibus tradebantur in senatu, ut eos et in custodiam per lictores ducerent, et, quod ipsis decretum erat, supplicio mactarent. Extra controuersiam,

ut

ut mea fert opinio, rem ponit XENOPHON *Histor. Graec. Lib. II. p. 470. A.* Εκ δὲ τούτῳ ἐκάλεισε μὲν ὁ τῶν τριάκοντα κήρυξ τὰς ἑνδεκά ἐπὶ τὸν Θηραμένην. ἐκείνοι δὲ εἰσελθόντες σὺν τοῖς ὑπηρεταῖς, ἡγεμὴν αὐτῶν Σατύρῃ τῷ θραυσιώτῃ αὐτῶν καὶ ἀναιδεστάτῃ, εἶπε μὲν ὁ Κηρίκις, παραδίδομεν ὑμῖν, ἔφη Θηραμένην τῷ ἰονὶ κατακεκριμένον κατὰ τὸν νόμον. ὑμεῖς δὲ λαβόντες καὶ ἀπαγαγόντες οἱ ἑνδεκά, ἔειπεν, τὰ ἐκ τέτων πρῶταίε. Et ut ex hoc loco simul cognoscimus Theramenem cicuta necatum his quoque undecim uiris traditum esse, sic, quin cum reliquis eodem genere mortis affectis idem sit factum, nullum est dubium. De Socrate id præter alios testatur LUCIANVS *Ioue confutat. p. 125.* Σωκράτης μὲν παρεδόθη τοῖς ἑνδεκά, Μελλήτης δὲ ἔπαρεδόθη. Phocionem traditum esse undecim uiris, quibus ad supplicium more Atheniensium publice damnati tradi solent, perspicue narrat CORNELIVS *in eius uita cap. 4. n. 2.*

### §. XX.

Horum igitur undecim uirorum iussu cicutam porrigebat damnatis carnifex, qui inde etiam uocatur undecim uirorum minister, Graecisque uel ὑπηρετής uel δήμιος appellatur. Illud, ne multa hoc in genere producam testimonia, nos docet PLATO *Phaedon. p. 401. F.* Καὶ ἦκεν ὁ τῶν ἑνδεκά ὑπηρετής. Δήμιον autem hunc hominem dictum fuisse cum complures auctorum loci confirmant, tum in primis IULIVS POLLUX et HELLADIUS. hic quidem *in Chrestomath. p. 18.* scribit δήμιον μὲν καλεῖσθαι τὸν τῶν ἐπὶ θανάτῳ καταδικασθέντων Φονέα. ille uero *Lib. VIII. segm. 71. p. 897.* ubi uid. Interpretes, et addatur IAC. PERIZONIVS *ad Aelianum p. 806.* Appellatur etiam ab auctoribus nonnullis δημόσιος. quod an quisquam iam annotauerit, me fateor nescire. PLUTARCHVS *Phocion. p. 758. D.* Πεπτωκότων ἤδη πάντων, τὸ Φάρμακον ἀπέλιπε, καὶ ὁ δημόσιος ἐκ ἔφῃ τρέψεν ἕτερον κ. τ. λ. uid. etiam IOANNES TZETZES *Historiar. Chiliad. VIII. histor. 181. uers. 5.*

### §. XXI.

Cum uero extra controuersiam sit, a carnifice cicutam iis, qui morti addicti erant, allatam ac porrectam esse, tum  
dubium



dubium, certe controuersum est, utrum haec cicuta publice dari solita Athenis fuerit a magistratu asseruata, an uero ab ipso carnifice suis sumtibus emta. Sunt profecto Viri doctissimi, qui cicutam Athenis publice seruataam fuisse statuerunt. quo in numero sunt GVIDO PATINVS et IOANNES HARDVINVS. Sic enim ille in epistola ad FORT. LICETVM, quae huius *antiquis scbematibus gemmar. annular.* inserta est p. 412. de hac ipsa cicuta, *Facilius, inquit, adducor, ut credam, fuisse quodpiam praesentissimum, uel saltem haut segne uenenum ex magistratuum edicto curiose seruari solitum, quo uorato meritis poenas luere iuebantur morti addicti nefarii et facinorosi homines.* Vt sententiae suae fidem faceret, prouocauit ad Valerium Maximum, qui, ut supra demonstratum est, memorat uenenum cicuta temperatum in ciuitate Massiliensi publice custodiri. Sed frustra a Viro experientissimo Valerium in partes uocatum esse inde apparet, quod Massilienses, qui Graecorum colonia fuerunt, ideo necesse habuerunt cicutam ex Graecia allatam publice asseruare, quia cicuta Gallicana uires non habere mortiferas uidetur. uid. LICETVS d. l. p. 419. seq. et §. XII. Harduinus uero eandem opinionem defendit in doctissimis suis annotationibus ad *Plinii Histor. Natur. p. 383.* ubi ad uerba Plinii, *Cicuta quoque uenenum est publica Atheniensium poena inuisa*, ita commentatur, *Publica dicitur, quod cicuta publice Athenis custodiretur.* At id ego nollem a Viro celeberrimo factum esse, quoniam in allatis Plinii uerbis adiectiuum *publica* non ad *cicutam* pertinet, sed ad *poenam*. Appellauit quidem sententiae testem IOANNEM TZETZEN, qui *κάνειον δημόσιον* appellet. Sed in eandem, quam in Plinio interpretando prodidit, inertiam dicam an negligentiam incurrit, et non tam ipsius Tzetzae uerba, quam eius interpretem Latinum, inspexisse uidetur. Quo res euadat clarior, ipsum locum TZETZAE proferre, non erit alienum, qui est *Chiliad. VIII. histor. 181. uers. 1. seqq.*

Σωκράτης ὁ φιλόσοφος *κάνειον* μέδων πίνεν,  
ὡς Ἀθηναίοις ἀθεῖ *δόξας καὶ καθειργθεὶς δέ,*  
*καὶ παρακαλούμενος* καὶ *κάνειον* ἀνείδων,  
ὡς συμφορῶν ὑπερβολῆς, ἵνα πῶν ἐκπνεύσῃ,

Κάνειον τὸν δημόσιον λεγόντων μὴ κεκτῆσθαι.

Quis Graece leuiter doctus non uidet, et interpretem Latinum, qui ultimum uersum reddidit, *cicutam publicam dicentibus non haberi*, et Harduinum quam longissime aberrasse, quum nihil aliud declaret, nisi cicutam a carnifice non comparatam esse et haberi. Hanc enim sententiam non dictio solum, *κάνειον κεκτῆσθαι*, sed et maxime nomen τὸν δημόσιον requirit. quod quo minus adiectiui ad τὸ *κάνειον* pertinentis uicem sustineat, praeter ipsam notionem, qua est carnifex, uel genus masculinum intercedit. quo genere an *κάνειον* inueniatur, dubito. Obiter et ipsius Tzetzae errorem liceat notare, qui, quod de Phocione assidui scriptores memorant, ad Socratem accommodauit, quando ab eo postulatum esse canit, ut cicutam a se bibendam sua pecunia emeret. Quod reliquum est, potuisse uenenum cicuta temperatum per longum temporis spatium conseruari praeter Massiliensium et Ceorum exempla probat THEOPHRASTVS *Histor. Plant. Lib. IX. c. 17.* qui de medicamento a Thrasya Mantinenfi ad celerem obitum facilemque promouendum inuento et ex cicuta cum primis composito, scribit, *Λβοθήθιον δὲ πᾶντῃ καὶ δυνάμενον διαμέμεν ὅποσον ἐν χρόνῳ καὶ ἔδῃ ἀλλασσόμενον.*

## §. XXII.

Itaque quanto magis sententia illa, qua cicuta publice Athenis custodita asseritur, a ueritate ac ritu ueterum discere uidetur, tanto uehementius altera illa, quae a carnifice emtam esse cicutam contendit, se mihi probauit. In qua quidem re hoc minus superesse molestiae et difficultatis cernimus, quod eam iam fatis, si quid iudicare possumus, praeter STEPHANVM *de iurisdictione Vet. Graec. c. 12. Tom. VI. Gron. p. 2733.* expediuit PETRVS PETITVS *Observat. Miscellan. Lib. I. c. 17. p. 46. sq.* cuius nos hic uestigia legisse, non est, quod dissimulemus. Is ergo ad emtionem, a carnifice quae facta est, cicutae uindicandam primo loco produxit PLATONEM, apud quem *Phaedon. p. 378. A.* Critias ait, *Τί δέ, ὦ Σώκρατες, ἢ πάλα μοι λέγεις ὁ μέλλων σοι δάσσει τὸ Φάρμακον, ὅτι χρεῖ σοι φράζεν, ὡς ἐλάχιστα διαλεγέσθαι. Φησὶ γάρ, θερμαίνεσθαι μᾶλλον διαλεγόμενος. δέν δὲ ἔδῃ τοῦτον προσφέρειν τῷ φαρμάκῳ. ἐς δὲ μὴ, ἐνίστε ἀναγκάζεσθαι καὶ δὲ καὶ τρεῖς πίνεν τὲς τι τοῦτον ποιῶντας.* Haec admonitio uix uidetur a carnifice

miseriordia in Socratem ducto profecta esse, ne ipsi scilicet mors esset laboriosior. nam quamuis ab ipso Socrate ibidem appelletur uir bonus, minimeque, ut id genus hominum esse consuevit, inhumanus, tamen, si cicuta publicis sumtibus comparata fuisset, ipsius parum aut omnino nihil interfuisset, utrum semel, an bis terue cicutam tereret porrigeretque bibendam. Quamobrem hoc monitu nihil minister iste publicus sibi uolebat aliud, nisi ne cogeretur iterata potione cicutae a se emendae plus pecuniae insumere. Atqui in more fuisse Athenis, ut carnifex cicutam suis impensis compararet, locus PLVTARCHI, a Petito pariter iam annotatus perspicue euincit, qui in *uita Phocionis* p. 758. D. legitur. Πεπλωκότων ἤδη πάντων, τὸ Φάρμακον ἀπέλιπε. καὶ ὁ δημόσιος ἐκ ἔφθ τρέψεν ἕτερον, εἰ μὴ λάβοι δώδεκα δραχμας, ὅσας τὴν ὅλην ἀνέσται. χρόνος δὲ γενομένης καὶ διαβίβης, ὁ Φωκίων καλέσας τινὰ τῶν φίλων καὶ εἰπὼν, ἐπεὶ μὴδὲ ἀποθανεῖν Ἀθήνησι δωρεάν ἐστιν, ἐκέλευσε τῷ ἀνθρώπῳ δέσσει τὰ κεκρωστίον. Quo quidem loco quid clarius ad hanc sententiam confirmandam afferri possit, equidem non uideo, praesertim quum POLLVCIS auctoritas accedat, qui κώνικον disertis uerbis carnifici, damnatos capitis interficienti, assignat, et inter instrumenta, quibus publicus minister utitur, recenset. *Lib. VIII. segm. 71. p. 897.*

### §. XXIII.

Praeterea ex eo, quem modo adduximus, loco Plutarchi duo momenta nobis suppeditantur copiosius perlustranda, quorum alterum de caritate cicutae apud Athenienses nos reddit certiores. alterum uero nos instruit, quantum cicutae ad interficiendum hominem requiratur. Quod ad prius attinet argumentum, libram cicutae duodecim drachmis ueniisse Athenis, ex carnificis postulatione cernere datur, qua tantum a Phocione pecuniae non flagitauit solum, sed et ab amico ipsius nomine accepit. Iam uero si una drachma, quae uulgaris est computandi ratio, quatuor sestertios Romanorum confecit, et unus sestertius paria fecit cum octo numulis nostrae monetae, libra cicutae constitit Athenis nostra pecunias numerandi consuetudine duobus florenis, seu imperiali cum tertia in-

super parte, adeoque carnifici in unumquemque hominem cicutae haustu necandum duo floreni impendendi fuerunt. Libram autem cicutae, quod alterum momentum respicit, fuffecisse homini trucidando, tam ex eodem Plutarchi loco elucet, quam ex THEOPHRASTO, qui *Histor. Plant. Lib. IX. c. 17.* de Thrasylae Mantinensis medicamento paullo ante commemorato, ὥστε εὐσεγον εἶναι πᾶν καὶ μικρὸν, ὅσον εἰς δραχμῆς ὀλίγην. ἐλάμβανε δὲ τὸ κώνειον, ἔχ' ἔθεν ἐτύγχανεν, ἀλλ' ἐκ Σωτῶν, καὶ ἐτίσι' ἄλλος τόπος ψυχρὸς καὶ πάλισκος. Nescio, an ex hoc loco cum Plutarcho collato elici possit, ideo tanti constituisse carnifici cicutam, quod non in Attica, sed uel Sufis uel in alia regione extera natam emeret. Id tamen ex his dilucide uidemus, cur minister publicus non permiserit Socrati aliquid ex poculo spargendo sacrificare, et cur tantum contriuerit solum, quantum satis fore putauerit. PLATON. *Phaedon. p. 402. B.* τί λέγεις, ἔφη Σωκράτης, περὶ τῆς πόμας πρὸς τὸ ἀποσπῆσαι τινι. ἔξῃσιν ἢ ἑ; τοσούτων, ἔφη ἀνθρώπων, ὧ Σώκρατες, τρίζομεν, ὅσον σίόμεθα μέτριον εἶναι πιεῖν.

## §. XXIII.

Nec illa quaestio plane silentio praetermittenda est, utrum cicuta haec Atheniensium publica merus cicutae succus fuerit, an uero uenenum cicuta temperatum, praefertim quum hac de re Viri doctissimi inter se egerint, et amice animi sensa sibi aperuerint. Fuerunt illi GVIDO PATINVS, Medicus Parisiensis, ordinis medici Decanus, et FORTVNIVS LICETVS, Genuensis, quorum epistolae de hac quaestione mutuae habentur in laudati LICETI *antiquis schematibus gemmarum annularium p. 411. seqq.* Negat PATINVS, quod et ANTONIVM GVAINERIVM *de uenenis. cap. 9.* fecisse reperio, merum cicutae succum fuisse, et e contrario contendit, uenenum fuisse cicuta temperatum. Sic enim *d. l. p. 412.* scribit, *Tantane est edita strages solo succo herbae illius, cicutae, quae id habet nominis? equidem id nunquam in animum inducam meum. neque enim usu comperitur tantarum esse uirium. ab eius haustu uel largiori parui uix quicquam relinquitur aliud praeter capitis grauitatem.* Hinc credit fuisse quodpiam praesentissimum aut saltem haut segne uenenum ex magistratus edicto curiose seruari solitum, nec

nec multum suspicatur diuersum fuisse ab eo ueneni genere, quod apud Ceos et Massilienses paratum atque asservatum fuerit, et recentiorum Chymicorum antimonio respondisse. In auxilium quoque Plinii locum, ubi cicuta publica Atheniensium poena inuisa dicitur, uocauit, sed aeque inuitis Gratiis, ac Harduinus supra iam notatus. Proinde doctissimus LICE-  
TVS *d. l. p. 419. seq.* recte hanc sententiam reiecit, uariisque argumentis probauit, ad addendam uim cicutae Graecanicae uere de se letali nihil additum. Et sane huic opinioni patrocinantur testimonia auctorum ueterum tantum non omnium, qui soli cicutae eiusque succo ex semine expresso uim mortiferam consensu mirabili adscribunt. Illis bene multis, qui hinc inde iam laudati sunt, locis auctorum unicum hic non ab re erit addere ex PLINIO H. N. XXV, 13, repetitum, *Semine trito cicutae expressus et densatus succus in pastillos necat sanguine spissando.* Deinde ne unus quidem, quod sciam, scriptorum, qui huius poenae publicae apud Athenienses mentionem iniiciunt, memoriae mandauit, cicutae in potione ista ferali quicquam additum fuisse. Denique quum haec sententia illo maxime argumento niti uideatur, quod cicuta seu uenenum illud cicuta temperatum Athenis publice custoditum fuerit, eiusdem notae censenda ipsa est, cuius esse fundamentum, quo superstructa est, paullo ante demonstratum dedimus. uid. §. XXI.

## §. XXV.

Vehiculum, quo cicutae potio damnatis fuerit appo-  
sita et a carnifice porrecta, quis ueterum aperte nobis indica-  
uerit, me solide ignorare fateor. Hoc certum et indubita-  
tum est, a ministro publico paullo ante potionem ipsam ci-  
cutam tritam esse. Hinc Socrates apud PLATONEM *Phae-*  
*don. p. 401. H. Ἀλλάγε δὴ περὶ δάμεθα αὐτῷ καὶ ἐνεγκάτω τις τὸ*  
*φάρμακον, εἰ τέτρεπται. εἰ δὲ μὴ, τετρατάω ὁ αὐθραπος,* uid.  
SCHOLIA *Aristophanis Ran. uers. 123. p. 125.* Hinc cicuta  
trita uocatur apud OVIDIVM *Art. Amat. Lib. III. uers. 465.*  
Nec obscurum est, in poculo tritam iam cicutam a lictore  
ministratam esse, ex eodem PLATONE *d. l. p. 402. A. Ἦκεν*  
*ἔργων τὸν μέλλοντα δάσσειν τὸ φάρμακον ἐν κύλικι φέροντα τετραμι-*  
*μένον.* At quanquam liquor, quo cicuta bibebatur in poculo

diluta, non est perspicuis uerbis significatus, tamen, si coniecturae non prorsus, opinor, improbabili locus est, uino mixta fuit cicuta publica, propterea quod in uino pota et celeriore affert obitum, nec sanabilis esse putatur a PLINIO H. N. XXV, 13. *Remedio est, cicutae, priusquam perueniatur ad uitalia, uini natura excelsatoria, sed in uino pota irremediabilis existimatur.* uid. PLUTARCHVS *Symposiac. Lib. III. quæst. V. p. 653. A. de discrimine adulat. et amici p. 61. B.* et MACROBIVS *Saturnal. VII, 6*, idem confirmantes. Bibere autem plerumque post occasum solis, coena largiter sumta, consueisse moribundos, iterum nobis perspicere licet ex PLATONE *Phaedon. p. 401. H.* ubi Crito sic ait, Ἀλλ' οἱμοὶ ἐγὼ γε, ὡς Σωκράτης, ἐστὶ ἥλιον ἐν τοῖς ὄρεσι, καὶ ἐπὶ δεδυνέναι, καὶ αἷμα ἐν ὡσὶδα καὶ ἄλλας πᾶν ὅψα πίνοντας, ἐπειδὴν παραγγέλῃ αὐτοῖς δεπνήσαντας τε καὶ πίνοντας εὐ μάλα. Quod uero quum ex mente Socratis, ut ibidem docetur, nulla alia de causâ factum sit, nisi ut tempus aliquod uiuendi lucrarentur, idem facere recusauit philosophorum inter Graecos facile princeps.

## §. XXVI.

Superest, ut, quod supra nos polliceri meminimus, paucis doceamus, quo cicuta publica necatorum cadauera ablata fuerint. Etenim habuisse Athenienses loca eiusmodi, quo a carnifice capite plexorum cadauera proiicerentur, neminem nisi antiquitatum Atticarum penitus ignarum nescire arbitror. Itaque ut alia iam ne commemorem, notum est ex PLUTARCHO *Themistoc. p. 123. A.* in fanum illud Dianae, quod extruxit Themistocles et Aristobulenus appellauit, postea cadauera supplicio affectorum carnifices proiecisse, uestesque et laqueos extulisse eorum, qui strangulati et interfecti fuerunt. Et quis nescit, illatae iniuriæ damnatos supplicio peracto in locum, quem barathrum uocarunt, abiectos esse? uid. XENOPHON *Hist. Graec. Lib. I. p. 450. D.* At haec ignominiae nota iis, qui cicutae publicae haustu extincti sunt, non fuit post fata ultima inusta. Nam etsi de Theramene et Socrate id expresse ab antiquis traditum non annotaui, rem tamen ponit extra dubitationem omnem LYSIAS, qui in oratione contra Eratosthenem. p. 150. seq. clarissime docet, Polemarchum fratrem cicuta a tyrannis sublatum amicis et cognatis traditum fuisse, qui eum more patrio sepelirent. Nec obstat Phocionis humatio a seruis et id quidem extra Atticam peracta, auctore NEPOTE c. 4. *in eius uita.* propterea quod lex erat Athenis, quae uetabat prodicionis crimine damnatos in Attica sepeliri. uid. XENOPHON. *Hist. Graec. Lib. I. p. 450.* et SAM. PETITVS *ad leges Atticas p. 562.* et hac de re dissentiant inter se auctores ipsi, DIODORO SICULO eum citra sepulturam extra fines Atticae proiectum, et PLUTARCHO a uespillone ultra Eleusinen portatum crematumque, referente. Nos exequiis cicuta publica interfectorum nostrae commentationi finem imponimus, solemnem ueterum adiecta formula,

I L I C E T.

NOBILISSIMO DOCTISSIMOQVE  
ADRIANO DEODATO  
STEGERO

S. P. D.

P R A E S E S.



*Audi quondam non exiguae  
erat clientibus, quando ipsis  
dabatur facultas patronorum  
filios suo quemque tirocinio  
in forum deducendi. Ego ue-  
ro, ut mihi singulari plane du-  
cam honori, TE, NOBILISSIME STE-  
GERE, in lucem Academiae primum prodeun-  
tem comitari, multis nominibus adducor. Nam  
cum ab ILLUSTRITVO PARENTE, non  
dicam patroni, sed parentis loco aetatem mihi  
deuenerando, tanta in me sunt beneficia sine  
ullo merito meo collata, quanta ne optare qui-  
dem, nisi animo impudentissimo, fas est, tum bo-  
norem, qui hodie mihi contingit, hoc maius be-  
neficio interpretor, quo minus cuiquam tam  
clarum statim ingenium est, ut possit emergere,  
nisi illi materia, occasio, fautor denique contin-  
gat. Itaque utrum TIBI, DOCTISSIME  
STEGERE, tirocinium quasi deponenti, an  
mihi TE uelut in forum deducenti, maiorem in  
modum gratuler, anceps omnino dubiusque haere-  
o. Etenim naturale illud bonum, quod in TE  
per-*

*perspexi, et ingenium ad summa quaeque natum cogitanti nullum est dubium, quin sis cum laude et bonorum omnium applausu publice staturus. Quodsi uero acumen iudicii TVI aetate fere maioris intueor, plane confido, talem TE in arena publica futurum, qualem et ego et omnes, qui TE norunt penitus, fore sperarunt. Quando ergo amantis est, non onerare laudibus amantem, eo minus a me, mi STEGERE, in praesentia laudis expectabis, quo certius TE et incorruptius manet uirtuti TVAE debitum aliorum praeconium. Tu fac ingenium intendas, et, quam saepius priuatim mihi probasti, eruditionem publico ita comprobes, ut expectationem de TE conceptam non sustinuisse solum, sed et uicisse uideare. Quo fiet, ut, quae Socratem magnum fecisse dicitur cicuta, eadem et laudi TIBI futura sit et ornamento. Ego, quod reliquum est, nunquam Deo immortalis non supplex ero, ut PARENTI OPTIMO longam, uegetam, similemque iuuentuti largiatur senectam, TIBIque praetextam quasi hodie sumtam tam fortunatam esse iubeat, ut Patris Indulgentissimi ingrauescens aetas in probitate TVA conquiescat, amplissimae gentis TVAE splendor laudibus TVIS amplificetur, patriaeque gloria TVInominis celebritate olim illustretur. Vale, et, quem amas, amare ne desine. Scribebam*

*Lipsiae pridie Kalendas Sextiles A.O.R.*

*MDCCLXXXIII.*

